

# АСССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИНТИБИРНИЛА ШАЙЧИБСИ ГАЗЕТА

№ 4 (117) апрель 2009 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / Рабиу-ль-ахир 1430 г. Багъа 15 къуруш.

## РЕДАКТОРЛА КОЛОНКА

Къямалла бархи гъарил  
Адам илала духудешличи  
херъили шабагъатлаварили  
вирар.

Хиядис

Аллагълизивад урухкюси  
нургъби ушкулви висуси  
ахленну, сунес се багъандан  
танбихи бирулил, илизивад  
гелумилзуси сай...

Ишбархи жамигъятла духнар кадизурти аги-къяйдали хъунул адамти Къудратла Веги илдаци хастази ва далдикибтази халдарибти лишантазибад мяхрумбирахъули саби. Жагъил рурсби хаслира, гегъгиси заманализиб, цаличи ца мешути бетурли саби. Илдала баркъ-бац булан цагъунти детаурли сари. Илди ца къалиплизи кадыхъили дарибти дабриличи мешубиркули саби. Къакъализиб илди жаргати гъайли бугъули, биргули, папрусуни дитгикули, держла бержили чебаэс вирули сай. Илдала рухла дунья сен илцад сыйбиубси, сен илди хъярхъли адаб-хиялизибад бухъунти ибси суал алкюли саби. Дурхъати палтарличил яра байхъу чянкюли башес гъазализиб саби, адаб-хияла къимат таманни бетахъили саби. Се бетатурли хъунул адамтас?

Даршдусмала бухъандешлизиб хъунул адамтани жамигъятла бухнаб буцибси мер Къудратла Веги Аллагъли илдас кадизахъурти къанунтала дазурбани белгибурсири: хъунул аданти анкъилаб ванадеш бихянти, инсаниятла къур даимбиранти ва дурхнас бяркъ бедлуганти бирутири. Хъунул адам къайгичерси нешли ва муруйс къуллукъбирес чекаризурси хъунулли рирусири. Хъунул адам – ахерли бихлеси ва мяхкамбирес хияжати дурхъаси якъутгъуна ризс гягниси сари. Гъанна ил илгъуна даражаличир сари диклес хедирехе нуша. Хъунул адамличила нешличилаван, рузиличилаван, хъунуычилаван гъайдикюхелли, нушала уркъи пахрули дирцули сари, илдацила дебали малхямли ва дигиличил гъайдикюлра. Илкъяйда бизсера гягниси саби. Хъунул адам сегъуна къиматличи лайикълил багъес дигули диадалли, хушала хала нешаначи ва нешаначи хердизирая.

## ИСЛАМ ЧЕБЯХИБИРНИ

### Гумар бин Хаттабли Ислам къабулбарни

Сягид-апанди аль-ЧИРКАВИ

Хаттабла урши Гумар Идбагла икъалачибазивад халасигъуна сайри. Ил гямрули Аллагъла расулличив вецну кира дусли виштаси сайри. Идбаг Къудратла Веги Аллагълизи улгусири Хаттабла урши Гумарлизи дин къабулбарахъили, Ислам чебяхибарахъес

Ит замана Идбаг дин дигянали тинтибирули левалри ва Маккала лебилра халабегилти илис вайбарес бузулри. Ца бархи Мухаммадла баркъудлумас къимат бедес или къурайшитунти цалабикиб. Ил кавшили увасес ибси суал хербирулри илаб. Лебилра ил барес къабулбикиб ва тугукабиуб, гъарил херли сайри Идбаг кавшили сай ибси хабар мурт багъарбирарал. Чянкли Гумар сайри Мухаммад кавшес къабуликибси. Вайлиу шушкара бигъи сайра, Гумар Мухаммад каршис ибси къасличил дуравхъун ил варгес ва Сафа дубурла


## САГАТИ ХАБУРТИ

### Имам Абу Хиянифа

Таджикистайзиб Абу Хиянифа таклубхейчирад 1310 дус дикнилис багъишлабарибси конференция бетерхур

Камси гъалабван Душанбелизиб, «Кохи Вахтат» биклуси пачалихъла комплекслизиб «Цали итилла урки иргънила къадри Чевяхси Имамла гилмулизиб ва улкализиб ишхелла динна аги» биклуси республикала конференция бетерхур, сабира Абу Хиянифа аклубхейчирад 1310 дус дикнилис багъишлабарибси.

Таджикистан Республикала культурала Министерствозлизибад багъахурли къяйда, конференциялизир Таджикиста президентла аппаратла вакилтани, министерствобала ва ведомствобала руководителътани, динна организациябала вакилтани ва илкъяйдали



шайчивяхи ватихъиб. Мухаммад биалли ил замана сунела шаликартала къукъяличил варх Акрамла юртлизибси Хиямзала хъулив сайри. Гъуйчив Гумарлис Сагду бин Абу Вакъкъас къаршикили сай. Чина ватихъилри или хъарбаибхелли, Гумар виклули сай Мухаммад кавшес или. Сагду илизи виклули сай, хлуни Мухаммад кавшес хлейруд.

## Номерлизир:

4

ДАГЪИСТАН  
ЦАХИНАБЯХИБСИ  
ГЯЛИМ

Уриблизивадси  
Гялила урши  
Мухаммад-хияжи



5

ДИН ВА НУША

Азан



6

НУШАЧИ ЛУКИАИ  
САБИ

Къуппала  
мадрасализиб



7

АЗАННИС ВА  
ИКЪАМАТИС  
ЖАВАБИ

Имам  
аш-Шафигила  
мазгъаб хиясибли





## САГАТИ ХАБУРТИ

## Брейн-ринг

Мухаммад Идбагла Ҷиямура  
Мгуйс ва илала баркюдлумас  
багъишлабарибси гякълукартала  
викторина-хяз

Мяхячкьалализибси Теологияла ва халкъани-ургати бархбасунала Институтлизиб иш дусл мартлициб Рабигул-аввал базлис багъишлабарибси балбуц бетерхур. Ил балбуц англиялан мезлицил сабри дураберкибси, «Брейн-ринг» биклуси викторина тяхяри. Ил балбуцлизир бутлакьяндеш дариб лингвистикала, гуманитарный гилмуртала ва экономический факультетунала деклар-декларти курсанала студентунани. Илдани Мухаммад Идбагла Ҷиямураличила ва баркюдлумачила чузирти мурхъти багъудлуми чедаахъиб. Илди чула пикруми дурухлели англиялан мезли сабри гъайкабиклутира. Викториналици хлербиклес музабухъунти-ургарра деклар-декларти конкурсуну дурадеркибхлели, ил балбуц дебали жигарчебли бетерхур. Бутлакьянчибас ва багъудлумачил декларбухъунтас призунира савгъатунира дедиб. Машгурси далайчи Хямзалав Хямзалаевли гяраб мезли нашид белчлун.

Ил пергер балбуц белчлудила заведениелизибси англиялан мезла кафедрала дураберкибсири.

## Дугила клуб

Киев шагърлизиб «Макка» биклуси  
дугила клуб лебсири. Бусурмантала  
жамигъят иличи къаршили члумали  
кабизурли дурабухъун. Гъанна «Маккала»  
мерлициб «Но наме» биклуси дугила клуб  
бузули саби

Киев шагърла администрацияла бекла заместитель Сергей Рудыкли багъахъур, шагърла хлукуматла вакилтани «бусурмантала жамигъятлизиб аклубси разиагардеш хисаблизиди касиб» ва дугила клубла у барсбарахъиб или. Клубла бяхлицибси «Макка» ибси белкличилиси уркъули убкасили саби ва илала мерлици баршес цархил хядурбарилли саби.

Киевлизиб хлербироти бусурмантанара Киевлизиб «Макка» ибси уличилиси илгъуна журала хяз-хлузла заведение абхъни къас-къасли шагърлизиб хлербироти бусурмантаци къаршили дураберкибси балбуц саби или багъахъур. Илдани тлалабариб лебилра дунъяла бусурмантас дурхъаси шагърла уличилиси дугила клуб къяпбарахъес. Ил хяз-хлузла заведениела у барсбарахъес дугъабилзухлели бусурмантала жамигъятли «Адабла ва динна организациябала азаддешла хлехълизибси» Украиннала закон булан гъанбушиб. Динначи къаршили хиллакардеш адилкъниличи ва динанала лишанти мучлаагардарни багъандан жавабардеш дихниличила ил улкала Уголовный Кодекслизибра бурили саби.

Бусурмантала дурхъадешуни мучлаагардируси у бедни илгъуна хяз-хлузла заведениелиси чянкли бусурмантаци къаршили къас-къасли дураберкибси хиллаван къиматлабарес вирар. Маккаклун дехлибала дирухлели лебилра бусурманти хлербиклуси Кягба мерлабиубси шагър саби. Дусли гъачам ил шагърлизиб ахъри лебти бусурманти зияратлира башули саби, балахъули саби бусурмантала жамигъятла гярзаллизиб.

Ислам ил клубли тинтидирути «дурхъадешуначи» къаршили дурабулхъуси дин саби. Ил багъанданра асухлебири илис дурхъаси шагърла у бедес. Илдигъунти мераначир кадиркути анцбукъуни ( держ пайдаладирни, чянклули булхъни, наркотикуначилти авара ва цархилли далагати авара) Исламличи къаршити ва бусурман динни уряхътази халдирути баркюдлуми сари.

(Украинализиб дурабулхъуси «Ишбархи» биклуси газетализи кадияхъити белклани хясиблси

## Ас-САЛАМЛИС – 15 дус

## Нуша гъанна дарх сарра

«Медина» биклуси Издательский Юртли  
«Ас-Салам» газета дурабулхъес  
бехибхъибхлейчирад 15 дус дикниличил  
мубаракбариб. «Ас-Салам» 1994 ибил дуслизиб  
дурабулхъес бехибхъибсири.  
Илала учредитель сабри «Гъуни» биклуси Гяхлбаркъла  
фонд. Газетализи кадирухъути лерилра белклани  
Дагъиста бусурмантала Духовное управлениелицил  
пикри цалабахъили ва илар ункъли чедаили  
гьергъицун сари. Газетала редакцияла Советлис  
беклудеш дирули сай Дагъиста муфтий Гяхлмад-хяжи  
Гябдуллаевли.

Юбилейлицил бархбасахъи,  
газетала редакцияла лебилра  
хянчизарти, издательти ва газе-  
та бучланти мубаракбариб Нижний  
Новгородлизиб хлербироти бусур-  
мантанара:

Ряхлму-урклецила веги Аллагъла  
уличил!

Ахлerti Исламлизирти нушала  
узби ва рузби!

Нушани уркила разидешлицил  
мубаракдирулра хлуша юбилейли-  
чил. Саламти дурхъулра хлурматла  
Дагъиста муфтий Гяхлмад-хяжи  
Гябдуллаевлисира, газетала редак-  
цияла Советлис беклудеш дирни  
багъандан. Хлушани газеталис  
дебали гяхлси у чебиклилра.  
Нушала дин даршудешлицил бел-  
шунси саби. Салам агарси мерли-  
чиб талихлра гяхлси яшавра диэс  
хледиар. Нуша хлушачил сарра  
ва мубаракдирулра, газетала  
хянчизартас Алжанала анхълизиб  
мер хядурбарахъес Аллагълизи  
дулгулра.

Халаси баркьуди саби хлушани  
дурабурклуси. Хлушала газеталичи  
Дагъиста дурабра мурталра хлери  
саби ва ил иштяхлицил бучули  
саби.

Нушаб гъачам гъатира гъан-  
бикахъес дигулра Дагъиста  
бусурманталара Волгаличиб  
хлербироти бусурманталара ургар  
жявхлейчирад кадирути гяхлти  
бархбасуни лерти диъниличила,  
илди гъатира даимдарес ва  
тинтидиахъес хяжатли биъни-  
лизи халбирулра. Волгаличирад  
(Итильличирад) даршудусмазир  
ялкантар гамурбира глур хала-  
ти пароходунира лагра катхлелра  
дашутри. Даршуси вачарлицил  
дарх Къуръанна духути аятуни-  
ра, бусурманти Аллагълиси къул-  
лукъбарахъес жибируси азанра  
зайдиклутри. Исламла гилмули  
ва культурали хлушачира нуша-  
чира халаси асарра бариб.  
Хижрала II-ибил даршудусличиб  
бехибхъили Дербентлизиб цаибти  
асхябти багъарбиубтири. Илкъяда  
бирусири VII-IX ибти даршудусма-  
зибра, илхлели нушала миллату-  
нас хълчи кабихъити тюркани-  
ра, хазартира Цацунси Аллагълиси  
суждабирес бехибхъибтири.  
Ногъайлан татарани биалли  
ишхлелла татарталара дагъистан-  
ланталара ургарти бархбасуни



Ас-Салам-фото

гъатира уржахъитири. Нуша дарх  
дирутири Исламла цивилизация  
гъалабхл башухлелира ил къиянде-  
шуназиб калунхлелира.

Совет хлукуматла замана ате-  
истунала шайзибадси гъяжли-  
уб нушала динра бусурмантира  
дебали жапати аги-къяйдализи  
бикахъиб, нушала культураби  
гъаладяхл дашнилиси халаси зарал  
биуб. Россияла Федерациялизир  
демократ тяхяр-къяйда кадирули  
гьергъи, нушала диннис мицирбиэс  
ва гъалабхл башес гяхлти имкан-  
ти дагъардиуб. Детихъули хилхл  
калунти гъадатуни мицирдирули  
сари ва гъаладяхл дашули сари.

Нуша гъанна дарх сарра. 2008  
ибил дусл апрельла 25-личиб  
Дагъиста бусурмантала Духовное  
управлениели РАН-на ДНЦ-ла  
мезла, литературала ва иску-  
ствола Институтлицил барх  
«Машгурси динна гялим, накъши-  
бандила, шазалила ва къадирила  
тларикъатунала шайх Сайфулла-  
къади Башларовла гямура гъуни  
ва рухл гямура бузери» биклуси  
гилмула-бузерила конференция  
дураберкибсири. Нушала вакил-  
тира ил мягъничебси мажлисли-  
чиб Мяхячкьалализиб лебри, глур  
илди Дербентла жумягъла-мижит  
ва иларти тарихла памятникун-  
ни чедаэс бякъун. Глуррара, 2008  
ибил дусл ноябрьлицил Нижний  
Новгородлизиб Лебилроссияла  
бусурмантала IV-ибил мажлис  
бетерхурсири. «Дагъиста някъли  
делкунти къуръанти» биклуси пер-

гер альбом дураэс хядурдеш бариб-  
сири. Ил анцбукълиси багъишлаба-  
рибси выставка дураберкибсири  
Нижний Новгородла областла  
библиотекализибра. Ил выставка  
глур цархилли мер-мусаличиб  
чебаахъибсири ва гяхлхл къабул-  
барибсири. Илис багъишлабариб-  
сири передача центральное телеви-  
дениелизибадра чебаахъибсири.

Гъадатли бетаурли саби нуша-  
ла медиа-холдингунала ургабси  
бархси бузери, «Медина» биклуси  
Издательский Юртлара Дагъиста

СЯИХ

Сахаватдеш-  
чус алжайзиб  
мер  
хядурбарибтаци  
хасси лишан саби

бусурмантала СМИ-балара ургар-  
ти гъунибаъниби, бархбасуни ва  
цархилли далдуцуни имцлдикули  
сари.

Нушани пикрибарилра 2009  
ибил дус «Евразияла жагъил-  
тала дус» саблин багъахъес. Ил  
бетуцлизир дахъл секлал дарес  
дирехле цахънарти цакъаначил.  
Тюрканалара, славянталара,  
персаналара ва илкъяйдали  
Кавказла халкъаналара ургарти  
жявхлейчирадти бархбасуни руркъ-  
нилиси багъишладарибти далду-  
цуни дурадерклес. Нуша дахъл  
динанар дунъялицил хлербироти.  
Глобализацияла манзиллизир  
илди-ургарти бархбасуни гъаладяхл  
дашахъес чебиркур. Бусурмантала  
цивилизация гъалабхл башахъ-  
нилизи хлушанира халаси пай  
кабирхъулра. «Евразияла жагъил-  
тала дус» биклуси бетуцлизир  
жигарла бутлакьяндеш дарахъес  
хлушара жидирулра. Иншааллагъ,  
нуша глурра дарх дашес дирехле,  
хлурматла «ас-саламлантис» лебта-  
салрагъаргси, амма белгилахлениси  
челякълализи аркъуси гъуйчирра.  
Къудратла Веги Аллагъла икъай-  
чил нушани гъалмагъдеш уржахъ-  
ес дахъл секлал дарес дирехле,  
уммат дебабахъес багъандан гъар  
секлал дарахъес нуша Идбаглира  
жидирутири. Амин!

**ДУМНО-ла председа-  
тель Гаяз-хазрат Закиров ва  
«Медина» биклуси Издательский  
юртла бек редактор Дамир  
МУХЕТДИНОВ**



ИСЛАМ ЧЕБЯХІБІРНИ

# Гумар бин Хаттабли Ислам къабулбарни

1 « Сагду ил замана Мухла-ммадла шали буцибтазивад сайри. Сагдуни гурра имцабарили сай: «Нуни ху ил барахъес хелтари, сенкун Мухламмад Ҷ Гъашимхъала ва Захархъала жинслизивадси сай».

Илхели Гумар гымукли сай ва, гъаланачи нуни хура каршури или, Сагдучи чевхъи сай. Сагдунира шушка абити сай. Илди бяхъес хядурбуили саби. Ил замана Сагдуни келра шагада ахъи дурили

душман, хуни наб бяхъири или нуни Аллагъ цацун виънилис бикъридеш дирис!» Цархилтани бурни хясибли, илини ишкъяйда или сари: «Бархъдеш илини тинтѳирусини диннизиб хлебиалли, хуни наб се-дигара барес вируд» или, шагада дугъби дурили сари. Фатимани дурибти шагада дугъби аргъибхели, Гумар хапли сунени барибсилочи пашманиубли сай, илини Сягид вархъатурли сай ва сегъунти саррил пикрума ясируцибси

Ҷ Гумарлизи Ислам чебяхъарахъес Аллагълизи улгусири или. Къудратла Вегили ункъли бала келра илди хабар цаличи ца къаршили дурадулхъули хедийни.

Хяйибра Сягидра Гумарличил барх Идбаг Ҷ левси мерличи арбяки саби. Илдани унзализи къутдяхъили саби ва абацахъес пурбанбарахъес тиладибарили саби. Идбагличини Ҷ гъамти адамтазивадцаунзализичи гъамиубли сай ва музабухъунти чихъали сабил багъес херизурли, Идбагличини Ҷ чарухъи сай ва Гумар ацахъишав или хъарбаили сай. «Ил гъяхъи пикриличил музавхъунси хейалли, илизирад дерцахъес Аллагълизи дулгехъе, вайкъасличил вакѳбси виалли ил нушани ишавад мицирли дурахъелхъахъехъе», – бурили сай Идбагли Ҷ. Гур ил хъули ацибси Гумарличи гъамиубли сай ва хъуцарлизивад уцили тямхъярварили сай. Гумарличи ружери бакѳили саби. Идбагли Ҷ гур Гумарлизи бусурман дин къабулбарахъес бурили сай, Мугирала урши сайлин балагълизи хейкили левалли, ва балга барили сай: «Ва, дила Аллагъ, хуни нушала дин Гумар бин Хаттабличил дебабара». Илхели Гумарли таманбиайчи шагада белчи сай. Илхели хъулиб лебти лебилра разибуубли саби ва «Аллагъ акбар» бикѳули саби. Гумарли Ислам къабулбарниличини Идбагла Ҷ икъалачибуцун ахъенну, закѳлибти малаикуни булан разибуубли саби.

Исламлизибси Гумарла урки дигъанали дин бузахъниличибли паргъатбиэс бирули буили ахъен. Ил Идбагличини Ҷ дугъайзурли сай, нушани бузахъуси дин бархъси биалли, сен ил нушани дигъанали бузахъес гъагъисини или. Идбагли Ҷ бурили сай, гъачамлис нуша камти сарра, нушаб гъелабадкѳирули саби ва ил багъандан дягъандиркес чевкъули саби или. Илхели Гумарли Аллагъличи хъа барили сай Мухламмад Ҷ багъандан къурайшитуначи къаршили ургъес ва бусурмантала лерилра мажлисуначи вашес. Илди хъулибад дурабухъи саби ва, кел тугълизи кабиурли, душмантала гъалабад сегъуналра урехи агарли, мижитлизи букъес батбихъили саби. Ца къяйлизив гъалав вашули или сай Хяямза, итиллизив — Гумар. Илдани ахъли такбир бучѳули буили саби, зубри ил замана дисули дуили сари. Аллагъла расулличил Ҷ варх Хяямза чеибхели, къурайшитуну урухъиубли саби. Мижитлизиркъутала къукъялизив Гумарра чеибхели, илди таманни хякѳизурли саби.

Идбагли Ҷ Гумарлис Фарук ибси у бедиб ва гъалаб дигъанали бузахъуси дин илхейчибад дакѳули бузахъуси бетаур. Капуртас ил чекасес дебали декѳси баркъуди сабри, илди динничини къаршили дурабулхънилизивад гъяхъдеш агара бикѳескабиб, сенкун бусурмантала лугли къалабали имцабикѳули саби.

Аллагъла расулла Ҷ шапагъатлизибад ва асхябтала баракатлизибад мяхъруммабиаб лебилра илди дигахъути.



сай ва илди сабабагартини къалмакъар хедарили декларѳикили саби. Илав Сагду Гумарлизи викѳули сай: «Ху илцад гъяхъгабза виадли, сен хела рузи бусурман дин къабулбарахъес ратурри?» Илхейс Гумарли сунела рузи бусурманриубли риъниличила багъурли уили ахъен. Илала мурул Сягид бин Зайдлира иличил барх Ислам къабулбарили уили сай. Сунела рузини хала бегътала дин бархъатурли риъниличила багъурхели, Гумарли Сагду вархъатурли сай ва рузила юртлизивяхъи къалабаикили сай. Рузи Фатимара илала мурул Сягидра Къуръа «Таха» бикѳуси сура бучѳули баргили сай. Илдачил варх бусурман дин къабулбарисини Аратла урши Хяйибра левли уили сай. Гумарла гунзрала тѳама аргъибхели, Хяйиб хъа гъямзила дигъаникили сай. Гумар някълизиб шушкаличил хъули ухънавхъи сай. Ил багъбиубси херкѳличи мешули уили сай. Илдани бара гъалаб бучѳуси се сабрил хъарбаили сай. Мурулхъунул бикѳули саби, нушани селра хлебелчунра, цаличил ца гъай сарри дикѳути.

Хушани рахли хала бегътала дин бархъатурли хедийиша или хъарбаили сай къяркъси тѳамаличил. Сягидли жаваббедилисай, нушанибузахъусидин хала бегътани бузахъусиличиб бархъси саби или. Гумарлис илини бурибси гъяхъбизурли ахъен ва иличи чевхъи сай. Илди цаличил ца бяхъили саби, Гумар цакъли уили сай ва Сягид ванзализичи кайкахъили сай. Фатима итмадан муруйс кумекличини музарухъи сари ва узи къужварили сари, илкун Сягидла михъирличи кайилри. Гумарли рузис бяхъили сай ва илала ряхълизирад хили чяхъидухъи сари. Илхели Фатима узичи дугъаризурли сари: «Аллагъла

ил Сягидличивад тѳяйдивуубли сай. Ил рузичи гъамиубли сай ва чуни гъалабван белчунси кагъарла кѳапѳи чебаахъес тиладибарили сай. Рузини илизи аятуначилси кѳапѳи бедили ахъен. Гумар ил сунези бедахъес гурра тиладиухъи сай, иличи ца херизес дигулра или. Фатимани аргъахъили сари Къуръайзиради аятуначи къячикес гъалар дазала диахъес чебиркур или. Рузичи лехизурли, Гумар къалабали вазес аръяки сай. Илхели Хяйиб гъудуриубли сай ва Фатимази викѳули сай: марлирагу, хед Аллагъла дугъби динничини херхуси адамлизини дедес дигулрив или. Илини дедес дигули риъниличила аргъахъили сари ва Къудратла Вегили илала узилизирла Ислам къабулбарахъу или хъулрикулра или бурили сари. Камси заманала гъегъи Гумар чарухъи сай ва аятуначилси кѳапѳи някъбази буцили сай ва «Бисмилла...» белчи сай. Гур «Таха» сурализирад чумал аятра. Ил «Ва акими салата ли зикри...» ибси мерличи ветаибхели, Аллагъ ца виъниличини вирхаурли сай. Ил викѳули сай: илди дугъби дурибсилис сегъуналра вархкъа хяжатси ахъен или.

Илини тиладибарили сай сайра Мухламмадличини Ҷ укахъес. Хяйиб биалли, илгъуна кабикес бирниличини муэрлизивалра хъуликѳес хейруси, дебали разивуубли сай ва Гумар мубаракварили сай. Идбагли Ҷ барибси балга аргъили уили сай Аллагъли ва Гумарлизи бусурман дин къабулбарахъили сай. Нуни Идбаг Ҷ Абужагълизира Гумарлизира бусурман дин къабулбарахъес ва иличил Ислам чебяхъарахъес Аллагълизи улгули чеира или бурили сай Хяйибли. Гъяйшанира бурибсири, бикѳар, Идбаг

СИЯХ

Бегълара вайси  
адам—ил  
сунезибад вайдеш  
кабиркур или  
адамти  
гъаррахъбиркуси  
сай

## ИСЛАМЛА КАЛЕНДАРЪЛИЗИРАД

### Декѳти бунагъуни

Нуфайгъ бин аль-Харисли Абу Бакрлизи ибсири, бикѳар: «Гъачам Аллагъла Расулли адамтази ишкъяйда хъарбаили уили сай: «Декѳти бунагъунази се кадурхутил хушазини буришав?»». Илини ил суал хяйна тикрарбарили сай. Нушани ира: «Бура, гъайгъай, Аллагъла Расул!» Илхели илини иб: «Илди сари бахъал аллагъунас суждабирни ва вегила бегътала хурмат хебирни». (Бухари, Муслим).

### Бархъси гъуни ва чеввулкѳини

Къудратла Вегили Аллагъли иб: «Аллагълис чини бархъси гъуичини вяхъичаэс дигули ахъаллира, Илини исламлис илала михъири ибхъу, чини чеввалкѳахъес дигули ахъаллира, Илини илала михъири закѳлизи айцѳухъеливан гъажбиру ва чѳумабиру».

Сура 6 «Хяйван», аят 125.

### Хяйжрала мягъиничебдеш

Бусурмантини Мадиализини гечбиънила мягъиничебдеш чус вайтини секѳайзибад гелумбизнилизини яра чебдукарбирхънилизивад гелумбизес ахъенрину, хяйжрала сагасини мерличини сагасини жамигъят алкѳахъниличини дяхъичаибтини адамтала къасани цахънадахъяхъес имкан алкѳахъни сабри. Хяйра ил багъандан саби сагасини жамигъят алкѳахънилизини ва ил дебабарахънилизирла чебяхъбирнилизирла сегъуна-биаллира пай кабихъес ахъри лебсини гъарил бусурман адамлис хяйжра дураберкѳес чебсини.

### Хъунул адам архяйли рашнеличила

Абу Хурейрани бурусири бикѳар: «Идбагли Ҷ ибсири: «Аллагъличира Къиямалла бархъиличира рирхусини хъунул адамлис варх гъамсини тухум (мяхърам) агарли бархъира дугира бухъяниблѳусини архяйличини рукъес асухъебарар». (Бухари).





## ДАГЪИСТАН ЦАХІНАБЯХЪИБСИ ГЯЛИМ



Мяхіяммадрасул Гямаров,  
«Фикр» биклуси информационно-аналитический центр.

mr-omarov@mail.ru

Ит мижитуни бара ибхяхъес пурбанбарисби, дин бузахъутас биалли дакълугъаргли динна гядатуну дузахъес ихтияр барисби замана сабри. Гялимти чинабалра биули ахленри. Перестройкала цаибти дусмазиб—90 ибти дусмала бехібихъудлизиб-- дин тинтбікляхънилизу ва бусурман адамти бархъси гъуйчибад башахъес бяхлічиънилизу бурес агарли халаси пай кабихъибтазибад сабри Шамилла районна Асабла шилизивадси Мухаммад-хіяжи Квехов ва Ирибла шилизивадси Мухаммад-хіяжи Гялиев.


Мухаммад-хіяжи 1922 ибил дуслизив Урибла шилизивадси гярабла гилму делчунси Гяли-дибирла хъалибарглизив аклусири. 1934 ибил дуслизив илала дудеш дин тинтбіран сайлин ва динна агълула вакил сайлин туснакъварисири. Туснакълизивад глур ил чархлевхъун. Итхлели Мухаммад-хіяжи 15 дусла гямрула глурхъа сайри. Илхлелс Гяли-дибир уршилизи Къуръан делчлахъес ва илизир Исламичи диги минадилахъес валкъаурлири. Илала глургъира бугаси гякълуличил декларулхъуси Мухаммад-хіяжи Исламла гилмурти руркъули калун нешла шайчивадси сунела хала дудеш Гъазимухаммадличивра.

Ил биалли Дагъистайзивцун ахленну, илала дуравра ункъли валуси каллиграф сайри. Жузи дурайахъес икъалаирули, ил Темир-хан-Шурализибси Мухаммад-Мирза Мавраева типографиялизив узули калунсири. Гярабла жагати хатлічил луклес балниличил декларулхъусири. Мухаммад-хіяжизирра гярабла гилмуртачи диги жявли дагъардухъунтири, илис гилмулизи глурра мурхъикес дигули ахъиб. Ил учлесра ункъли бажардииркулри. Виштлал дурхіяли левалли ил дудешличил варх машгурси устаз Хіясан-афандичи вякъунсири. Къанниван биклутури илини чевяхъси шайхлизивад баракатла пай касибсири или. Илала глургъира Мухаммад-хіяжи чумал дус Урибла шилизивадси машгурси гялим Гябдулхіялимличивра учлули калунсири. Чевяхъси Ватла дергъ бехібихъибхлели, Мухаммад-хіяжира дергълизи арукибсири.

1942 ибил дуслизив Сталинградла мякълав ил душма хіярхіяли вяхъиб ва чулахъ сайлин хъули вархъибсири. Гъаланачи къалли илини селра бикъуси ахленри, амма глур дуб-дубли ил бикъан ветаур. Дергълизивад чарухъи

глургъи ил дахъал дусмазив пачалихъла хлукуматла деклар-декларти къуллукъуначив узули калун.

Урибла шила жамигъятли дахъал къиян-жапа чедаибтири духъянти дусмазир. Амма бегларе деклти балагъуназибад цализи халбарес вирац цахнабли лебилра шила халкъ 1944 ибил дуслизив чула аслу-минала мер-муса дархъдетахъурли, Къазакъиста дянг авлахъуначи дуглелти чечентала мер-мусаличи гечбарни. Хлейгукъира шила халкълис хала бегтала хіябри дархъдатес ва 17 дус урхлала ванзаличиб хлербирули калес чебуркъуб. Илдас гелабяхлі чарбухъахъес пурбанбарисбхлели, илдала шилизивад селра-деклар кали ахленри,



## Уриблизивадси Гялила урши-Мухаммад-хіяжи

(1922-1997 дд.)

гъятібіълуми сарри, ил багъандан халкълис дебали халаси къиян кабихъес чебуркъубсири сагаси ши белшес багъандан. Лерилра илди къиян-жапа Мухаммад-хіяжинира сунела халкъличил дутібтири. Ил шила халкълизи сабур барахъес жииклусири, исламли кадизахъурти дазурбала бухнаб хлербирахъес махиклусири. Къиянси заманализивра ил гилмулизивад къяб-вердибси ахленри: сайра учлусири, цархлілтирабучлахъусири. Гялимликлун бегларе дигуси-сунени балуси ученикунази гелбасахъес бирар. Сецад гядабли биаллира, Мухаммад-хіяжира ученикуни агарли ууси ахленри. Селисалра гъалаб, илини сунела дурхлінази Исламла хъулчи дяркъяхъур. Илала ученикуни гъанна саби учительти бетаурли саби, илдани бахъал дурхліни бучахъули саби, илди цархліл замана хлербирули саби ва илдас бузес чула учительлисан ахли, дебали гъамадли саби.

Мухаммад-хіяжи лерилра гямрулизив КГБ-ла хіанчизартала хлерудилиув вирусире, илис мурталра гелабад-кабиркутири, дудешлизивад мяхлурм-варили глургъилра паргъатли валтуси ахленри. Ил гъала-гъала динчила урши сайлин хісаблизи касибсири, глур биалли гилму делчунси динна адамлисван гелабад-кабиркутири, гъар тяхлрли диргалабулхъутири. Илала хъули бахъал «Гяхлі» башули бири. Цацахлели сай хъули агархлелира, илала хъулир умцлаби дурадурклутури.

Ца замана илди Урибла шилизивадси устаз Хлусенил Мухаммад вебкінилис багъишлабарилли Мухаммад-хіяжини белкълунси назму-тулкиличилси магнитфонна кассетаби даргес къасличил илала хъулиб умцлули, гяярбашули

калунтири. Эгер илди даргібти диалри, гъай агарли ил гяйиблизи урци ва танбихлі хлеларили хлелти. Мухаммад-хіяжини илди кассетаби яхализирти декъла гавлагунала духліна дигландарили дихлутури.

Къанниван Мухаммад-хіяжи хъалибаргличил Мяхлякъалализи гечибусири. Илаб илини дааватлис гяхліс имкан баргиб. Жагъилтас шаригъят хіясибли магъар дирхъи, беклібти бусурманти къяйда хіярибихъили беклібири. Илини сунела юртлизибси ца хъали дурхліни гилмули бучлахъес класс саблин балкъа-ахъурсири. Илаб сунени хлурбарисби программа хіясибли мутагъалимти бучлахъусири.

1980 ибил дуслизив Северный Кавказла Духовное управление тлутлукабиусири. Северный Кавказлизибси гъарил субъектлі (республика, область, крайли) чула духовное управлениеби аклахъубтири. 1990 ибил дуслизив Мухаммад-хіяжи Дагъиста гялимтала Советла председателли виклібсири. Пачалихъ динанала гямрулизи гъудурбиклули ахленри ва дин тинтбірахъес имканти аклахъублири. Гъамси Востокла улкназибад ва Гярабиялизивад нушала республикализира миссионертала хлербібухъунсири. Нушала республикализивад динна гилмуртачи беглібис

къасличил дурада улкнази арбашутира бахъбаиб. Дагъиста гъарил миллатли сунела Духовное управление абхъес къасбариб, динни адамти миллатуначи буртлуту хлеллири. Халаси къайгъи ва дахъал цакъани дедиб Мухаммад-хіяжини миллатунала динна управлениеби дархдяхъес ва Дагъиста бусурмантала цаси Духовное управление аклахъес. Дагъистайзив лебтасалра ца муфтийра вилахъес чебиркур. Ил нушаб ваибси сай, махиклусири ил динна агълула вакилтази.

Нушаб лебтасалра гъанбиркур 90 дусмазиб дин бузахъес ахленну, селидигара биркъахъес азаддеш бедибси замана сабри. Гъарил миллатли чула хлракатунира алклахъулри.

Ургадикібти ванзурби багъандан цацадехлі шимала дурхлінар булан къалмакъарра-къавгъара думжес дехкадихъиб. Бегларе бижгубси аги аклублири Новолакла районнизиб. Кларахъанталара чеченти-аккиталара ургарти беизагардеш къалмакъарличи шурдулхънила урехи аклублири. Пачалихъ анцібукъуни даршули гъунчидушес бажардибиркули ахленри. Мухаммад-хіяжини илхлели шайчибад хлурматла ва гъай бузути адамти тлалабариб ва илдала кумекличил къалмакъар черардукиб. Ил пергер маслігъатчи сайри. Илини ункъли балулри бусурмантала ургар баришдеш кадизахъурси, даршубаркъла бузерилизи ахъибси адамлис сецад халаси кері биусил. Цацахлели илис гъар-бархлі Дагъиста чиди-биалра ца районнизи яра шилизи архлі дураберклес чевкъусири. Къаршили кадизурти шалуби даршудиахъес, бижгурдеш чебарбукес бажардииркусири ил имцлатигъунти

СЯИХ

Халадешлис ахли, урклила жи хіясибли мижит тлашбатурси адамлис Аллагъли алжайзиб юрт тлашбалта

анцібукъуназив. Илала дурабад, илини бурес агарли халаси хіанчи бирусире Дагъиста бусурмантала духовное управлениелизивра.

Исламла жи (даават) хіясибли илини дурабурклуси хіанчи дин тинтбірниличиблира маслігъатчидеш дирниличиблира таманбирусире ахленри. Илини рухліла гямрулисра халаси мер декларбирусири. Ил вамсниагарли узусири ва дахъал гилмула хіанчурби гелар датур. Илини делкълунти верхлел жуз дурадухъи сари. Кадяхъес имкан агаркъира, Мухаммад-хіяжи 80 ибти дусмазивал жуза луклусири. Илди сунени копироватьдирусире ва тинтдірусире. Илала жузазирад хаслира машгурти сари:

«Дурусу нахвиат» – гяраб мезла грамматикала жуз.

«Дуруси шифахият» – ил жуз Мухаммад-хіяжини сунела комментарийтачил чебицахъиб. «Мухаммад Идбагла 40 хядис» – илра имам Нававила (Арбаинна) жузлизу дучибти хядисуну сари.

«Диштлати жузала сборник» – илдигъунти урчелмал жуз дураибтири ва гъарил чиди-биалра ца мягліничебси суаллис багъишлабарисири.

«Таржаматул аварии фи ибадатул барри» – Аллагълис къуллукъбирнилла хъулчи.

«Хіяж секъяда бирусире?» – ил жуз белкълунси хіяжли башес бехібихъибти дусмазиб зияратли аркъутани хіяж бирнилла тяхлр-къяйда хлелалули биъни багъандан сабри. Ил къалабали хъямбариб ва гъаннара иличи тлалаб камбиубли ахлен. «Адабазул ах» биклуси жузлизив («Этикала анхъ») бусурман адамличи хаста адаб-хіяяла къиликълуну ва лерилра гямрулизив секъяда вяшиклули хлерирусил бурили саби.

Мухаммад-хіяжини дахъал назмуртитулкни делкълун. Илини кларахъан мезличил Идбагла 40 гямрула гъуйчила ва илала асилти баркъудлумачила саркъахъили буриб.

Гямрула бегла глургъису дуслизив Гялил Мухаммад-хіяжи зягліпли сайри ва чинавалра узули ахленри. Илра иш белкла бехібихъудлизив гъанушибси Асабла шилизивадси Мухаммад-хіяжи Квехова ца бархлілизив – 1997 ибил дусла октябрла 27-личиб – беклібтири.

Мухаммад-хіяжи Ленинкент поселока хіябрази хіярихъибси сай.

Аллагъ разили калаб асилти бусурмантачи, илди Аллагълис марти лугъри сабри!



ДИН ВА НУША

**Мухаммадариф РАМАЗАНОВ,**  
Мяхлячкъала шагърлизибси Имам  
Шамилла уличилси мижитла имам.

Аллагъ багъандан Азан бучлуси муэдзин хила кархуси шагъидла даражаличив вирус сай. Убкълхлелира илала къаркъайчи цѝцимкуллпра гъамдирути ахлен. Азан ва икъамат дучлхлели дирахъес маслигъятдирути (сунна) баркъудлуми:

1. Азанра икъаматра тлшкѝзурли дучлес.
2. Таманти яра цабутлванти дазалализив виэс.
3. «Хѝайя гѝяла салат» (азан бучлхлели кѝина ва икъамат бучлхлели гъачам) ирухлели балуй шайчи вяхлѝчил шурирхъес, мяхъирлѝчил ахли.

Аллагъ багъандан азан бучлуси муэдзин хила кархуси шагъидла даражаличив вирус сай. Убкълхлелира илала къаркъайчи цѝцимкуллпра гъамдирути ахлен.

4. «Хѝайя гѝяла фалакъ» ирухлели биалли алгъай шайчивяхл шурирхъес.
5. Азанра икъаматра Кѝягѝбала шайчивяхл хлерикули дучлес. Кѝягѝба беглара хлурматла мер саби. Азан бучлхлели миммар алавбирахъес маслигъятдирути ахлен. Амма шагър халаси биалли, миммар алавбирахъес къадагъабируси ахлен.
6. Азанчи Аллагълизиwad урухкълуси, гѝибратла адамли виэс гѝягѝниси сай, илхлелира жагаси тлама лебси. Дехѝибайчи бусурманти Аллагъ багъандан жибири кълулайси саби, ил бирни багъандан багъа сатхлѝсули. Глурра белкѝи саби, азан бучлнѝлис гъаланачибал багъа сайсуси ахлен, ил Аллагъ багъандан бирус саби или. Амма хъалибарг абикъес багъандан багъа сайсес чевкълу биалли, илхлели багъа сайсуси саби, амма илхлелира азан бучлнѝ багъандан бирус гѝягѝдеш кавлуси саби. Хѝянифала мазгъабла гѝялимтани луклули саби, гъаннала

# Азан

Имам аш-Шафигѝла  
мазгъаб хѝясибли

замана азан бучлнѝ багъандан багъа сайсес асубиар или.

7. Азан ахъси тламалѝчил бучлхъес маслигъятдируси саби.

Дехѝибала дирус замана сабаили биъниличила сецадла къадар ахъли багъахъаллира, илцад халаси мерлѝчи азанчила тлама бетиур. Азанна тлама сели аргъаллира, ил марбирус саби—илкъяйда бурили саби хѝядислизиб. Эгер ца мерлѝчиб азан белчлѝ гѝергъи, дехѝибаларадарилибиалли, дехѝибайчи къанбиубтани ахъли азан бучлес асубирус ахлен, сенкълун дехѝибала дарибтас гъанбикес асубиар гъалаб белчлунси заманалис гъалаб белчлѝ бургар или, ил багъандан саби глурра дехѝибайчи жибарес бучлуси или.

8. Азан бучлхлели муэдзиннис маслигъятдируси саби лихѝби тлулбачил

къяпѝдирахъес, сенкълун илхлели тламара ахъли зайбѝкар.

9. Азан бучлхлели муэдзиннис маслигъятдируси саби ахъсигъуна мерлѝчив тлшилзахъес. Беглара гѝяхѝси—азан миммарлѝчибад бучлнѝ саби. Ил агарли биалли—мижитла хъалчлѝчибад. Хъалчлѝчи ацлес имкан агарси анцѝбукълузиб азан мижитла унабурхлѝчибад бучлхъес маслигъятдируси саби.

10. Азанра икъаматра ца адамлизи дучлхъес маслигъятдируси саби, амма илди дучлуси мер барсбирус саби. Икъамат ахъси тламалѝчил бучлуси ахлен. Хѝядислизиб бурили саби икъаматра азан белчлунси бучлуси саби или.

Икъамат бучлхлели ахъси мерлѝчи айцлес гѝягѝнидеш лебси ахлен. Амма мижит халаси биалли, ва ил лебтанѝлра хлѝргъесилад урехи лебли биалли, илхлели ахъси мерлѝчибад бучлхъес маслигъятдируси саби.



Ас-Салам-фото

11. Икъамат бучлуси замана кабиили къаршибикибти дехѝибала дарес икамат белчлѝ таманбиублѝ гѝергъицун саби абилзути.

12. Азаннара икъаматлара ургабси замана бухъанбилтлахъес къасбирес чебиркур, ратибатунала дехѝибулти (суннатла дехѝибала) дарес биэсли.

13. Савлила дехѝибала дарахъес кѝина жибирахъес маслигъятдируси саби: гъала-гъала—шалашикъдурхъайчи, кѝинайс—шала шикъдурхъунхлели.

14. Савлила дехѝибайчи жибирахъес кѝел муэдзин бидахъни кълулайси саби.

Жумягѝ бархлѝ биалли, хлѝрела жумягѝла дехѝибала дарахъес гъачам саби жибириути—хутѝба белчлес имам миммарлѝчи ацѝли гѝергъи.

Хѝяжатдеш акълубси анцѝбукълузиб кѝина жибиресра асубирус саби, Глурмар-асхѝяблѝ кабизахъурли къяйда.

## Таржигѝ

Таржигѝ—азан бучлусили ил белчлес гъалар сунези сунени шагъадатла кѝелпра формула дучлнѝ саби, илди ахъли делчлес гъалаб. Таржигѝ—ил гѝяшли буриси шагъадат саби.

Бусурман адамли дехѝибала суненицун дирули виалли, илини суненицун аргъесли гъала-гъала шагъадат буру. Глур ахъли азан бучла. Жамѝгъятлис азан бучлусили биалли, гъала-гъала мякълабтаницун аргъесли шагъадат буру ва глур ахъли азан бучла.

ХѝЯЙЯ

Хлѝ зягѝипсилѝчи хѝял багъес музавхъунхлели, илизи хлѝд балга барахъа, сенкълун илала балга малаикли барѝбсигъуна бирар

Таржигѝ Шафигѝла мазгъаблизиб суннат (маслигъятдируси) саби, Абу-Хѝянифала мазгъаблизиб биалли ил суннат ахлен.

## Тартил

Тартил—гъарил дев саркъахъили буруливагъарил дугъбалацахлѝнабѝкѝис гѝергъи гъигъабалтули, паргъатли азан бучлнѝ саби. Азанна бехлѝбхъудлизир ва ахирлизир «Аллагъу акбар, Аллагъу акбар» ибти дугъби ца гъигълизир дурути сари.

Асубиар, «Аллагъу акбар» или гъачам ва камси гъигъабатурли гѝергъи кѝинайсра «Аллагъу акбар» эсра. Асубирус саби кѝелпра «Аллагъу акбар» дархдѝкахъили «Аллагъу акбаруллагъу акбар» эсра.

## Идраж

Идраж—илгъарил тламасаркъахъили бурули, къалабали икъамат бурни саби. Ца гъигълизир икъаматлизир кѝикѝел дугъбала цалабѝк дурути сари, гѝергъисигъуна—декларли.

## Тасвиб

Тасвиб—шала шикъдурхъес гъалаб бучлуси азанлизир «Ассалату хѝайрун мина-н-навм («Дехѝибала гъанкѝлѝчир кълулайти сари») ибти дугъби кѝелпра «Хѝайя гѝяла...»-лис гѝергъи дурни саби.

Тасвибла замана бекѝ чинабяхлѝлра ласбирхъахъес маслигъятдируси ахлен.

Тасвиб кѝина ирус саби. Ил ургаб имцѝаси замана хлѝебахъублѝ ирахъес маслигъятдируси саби.

Шала шикъдурхъес гъаларти дехѝибала халхлѝдарили, цархлѝилти дехѝибултас буриси ахлен.

## АЗАННИС ВА ИКЪАМАТЛИС ЖАВАБТИ

# Имам аш-Шафигѝла мазгъаб хѝясибли

Чини азанра икъаматра чаргъалра маслигъятдируси саби, дехѝибайчи жиикълусини дурибти дугъби тикрардирули жаваб бедлугахъес, чѝянкѝли «Хѝяйя гѝяла...». «Ассалату хѝайрул-мина-н-навм» ва «Къадкъамати ссалати» дугъби тикрархлѝдарили.

Авалра «Хѝяйя гѝяла...»-лис ишкъяй-да жаваб бедлугахъес маслигъятдируси саби: «**Ла хлѝавла вала къуввата илла биллагъил гѝалийѝил гѝазим**». («Че-

вукълнѝлизивад Аллагълицун мяхлѝ-камиру ва Илала икъайчилцун къул-лукъбарес вирар»).

Ибну Суннили бурисири Идбагли «Хѝяйя гѝялал фалахлѝ» ибти дугъбас гѝергъи «**Аллагъуммажгѝялна минал муфлѝхѝина**» («Ва дила Аллагъ, хлѝуни нуша талихлѝчѝртала лугѝилизи къабул-дараба») или ирусир илди. Ил багъандан «**Ла хлѝавла...**» ибти дугъбас гѝергъи илди дугъби дурни кълулайси саби.

«Бушрал Карим» бѝкълуси жузлизѝ белкѝи саби, чини аргъаллира лѝрилра авалра «**Хѝяйя гѝяла...**», маслигъятдируси саби (сунна) илди дугъби дурахъес, цархлѝилван буралли, дехѝибайчи жиикълусини «Хѝяйя

гѝяла...» ибхлѝли, жаваб лугусини илди дугъби тикрардирути сари, глур викълуси сай «**Ла хлѝавла ва ла къуввата...**» ва гѝергъисигъуна «**Хѝяйя гѝяла...**»-лис гѝергъи бурибсилѝ «**аллагъуммажгѝялна...**» имцѝабирус саби.

Жиикълусини «**Ассалату хѝайрул-мина-н-навм**» ибхлѝли, илис «**Садакъта ва барирта**» или жаваб чарбалтус саби («Хлѝу вархъли сайри ва дахъал гѝягѝдешуни дарес вируд»). Илкъяйда бурили саби хѝядислизиб.

«Убаб» бѝкълуси жузлизѝ бурили саби ишкъяйда ибнира кълулайси саби или: «**Ва билль хлѝакъкъи натакъта**» («Хлѝуни бархъси бурри»). Иличи глурра

ишкъяйда имцѝабаралли гъатѝира гѝяхлѝси саби: «**Садакъта Расулллагъи, салаллагъу гѝялайгъи васаллам, ассалата хѝайрул-мина-н-навм**» («Бархъси саби Аллагъла Расуллѝ бурибси – дехѝибала гъанкѝлѝчир кълулайти сари») «Бушрал Карим» бѝкълуси жузлизѝ ишкъяйда белкѝи саби:

Гъарил «**Къад къамати салату...**» - лис ишкъяйда жаваб бедлуга: «**Акъамагъа-ллагъу ва адамагъа важгѝялани мин салигъи ахлѝгъа**» («Аллагъли ахъбуцаб иш дехѝибала ва даимлисѝ бѝтаахъаб, ва ну дехѝибайзѝи гѝягѝтигъунтала ургавси вѝтаахъаба»). Илкъяйда бурили саби Абу-Давудли баахъѝбси хѝядислизиб. ►►



НУШАЧИ ЛУКІУЛИ САБИ

# Къуппала мадрасализиб

Гіса-хіяжи ГІЯМАРОВ  
Лавашала районна Къуппала ши.



Мадрасала мугіяллим  
Мяхіяммадрасул

Гъалаб Къуппала шилис гіялимтала ши бикіутири. Совет хіукуматла замана биалли ил учительтала шили бетаур. Гъаннара шилизир 9 мижит лер. Школала дурабад мадрасара бузули саби.

1996 ибил дуслизиб Къуппаб сагаси ва лебгѐб жагаси мижит ташбатур. Иллини лебилра шила чебаъ жагабирули саби. Ил мижит-личибад гъарахъли ахи дурхъни бучахъес мадрасараташбатурсири. Деклар-декларти дусмазиб илаб

Октябрьла революциялис гъалар ва илис гѐргъити дусмазир Къуппала шилизир 8 мижит ва чумал мадраса дузутири. Илдазиб бузули калунтири гъарабла гилму делчлунти динна гіялимти Нассайкъади, Будаи-Мямма-хіяжи, Зияуддин-къади, Мяхіядла Гямар, Бяйдула Махіяммад ва цархилти. Шила халкъли илди гъаннара хъумартурли ахлен, сенклун халкълизи дин руркъяхънилизиди ва чеабиуси наслулис гяхъси бяркъ бедлугнилизиди халаси пай кабихъибти пергер адамти сабри.



Мадрасала мутаглімти

тани чула хъулразир мавлидуни делчлахъес жибирули бирар. Шилизир вебклибси виалли, илис къуръан делчлес башар, мижитлизирра илдас дарести камхедирар. Мавлидуни, зикруми диру. Мадрасала азбарлизиб турник леб. Акъуси замана илаб бурклули бирар. Дурхъни дурхъни саби-хіязта биркъур.

Мяхіяммадрасулли набзи чула библиотекар чебаахъиб. Илар 200-личир имцали жуз лерри. Илдала ургар динна историяличила, Мухіяммад Идбагла гямуруличила, динна деклар-декларти суалтас багъ-ишладарибти дахъал жузи лерри.


**– Мадрасализиб бучлутала яшав сегъуна саби? – хъарбаира глурра Мяхіяммадрасуллизи.**

– Нушачиб дурала шимазибад баклибти дурхънира бучлули саби. Беркбержличил шила халкъли гѐббурцули саби, чула бегтанира икъалабирули саби. Вайтла ахленра, – виклар ил.

Мяхіяммадрасул-хіяжи дурхънас хурегуни дируси Патиматла бузери-личили разили сай. Баркалла балахъули сай гъарра шайчибад кумек гѐббихъуси Шайху-хіяжисра.

Баркаллаличи лайкъли сай бучлунтас гяхъси бяркъра бедлугули, илди Аллагъла гъуйчибад бархъли башахъес бяхъичиуси сай Мяхіяммадрасул-хіяжира.

Ну мадрасализив левли, мижитла миммарличибад азан зайбухъун. Нуша дехлибала дарес мижитлизи къалабадикира.



Мадрасала юрт

бузули калун Уллугяялизивадси Мяхіяммад Мяхіяммадов (Батайла), Убекила шилизивадси Мяхіяммадрасул Мустафаев. Мяхіяммадрасулли гилму сунела дудешличир делчлун. Учлули калун глурра чумал мерличив. Дурхънази Къуръанра шаригятра дяркъяхъес гъазализив сай.

Буссягятла замана мадрасализиб 20 дурхъя бучлули саби. Цацадехл дусмазиб илдала лугли 30-чира абиркули бири. Илала дурабад, шилизибти 20-цад хъунул адамлира динна шайчибси багъуди касиб. Мадраса таманбарибси Исапилла урши Гяхъмад-хіяжи Гяммалтимахъилизир къадили узули сай. Мадрасализиб гяхъси багъуди касес бажардибикиб жагъилти – Шайхула урши Багъаудин ва Баширла урши Арсен.

**– Нуни мадрасала бекл Мяхіяммадрасуллизи илаб белчлуди ташбатниличилара бурахъира.**

– Селисалра гъалаб, Къуръаннизибад бучлахъес бурсибирулра. Гъарабла мезли учлес-луклес хлѐбалули левалцадхли, динна шайчибси багъуди касес хлѐрар. Къуръайзирти аятуни баяндирес хлѐрар. Къуръанничил барх дурхънази Мухтасар (учнила-лукнила къяйдуртала хлѐкълизибси грамматика) руркъяхъулра. Шаригятла тяхъяркъяйдаличи (фикх) бурсибирулра, – бурули сай илини.

**– Белчлудилизибад акъуси зама-на дурхъна секъяйда бурклули?**

– Жумягл бурхъназиб шила адам-

СИЯК

Хлүшани садакъа  
буртленая,  
сенклун гъарли-  
марли садакъали  
жагъаннаблизивад  
азадвалта

АССАЛАМЛИС – 15 ДУС

Хлурматла газета  
бучланти!

Ну школализив учлулра. Мадрасализи учлес вашесра замана бургулра. Ну «Ас-салам» газетала лебилра хлѐнчизартас баркалла виклулра илдазир Исламличили халати диги лерни багъандан ва илди цархилтазирра адикъес халаси хлѐракат даклубирули биъни багъандан. Газетали адамти дахъал гяхъити секлѐйчи бурсибирули саби. Газетала гъарил номерлизиб нуни наб пайдаласи се-биалра бургулра. Хлүшала газетали кадирхъутигъунти баянти глур чинаралра даргес хлѐрар лерилра илди мягничерти ва пайдалати сари. Аллагъ мурталра разили калаб газеталаредакциялизиб бузути лебилра хлѐнчизартачи. Баркалла виклулра газеталис къулбасбирутасра, сенклун исламла дин бяркъес дигухъели саби илдани газета чус башахъес къулбасбируси.

Ну дебали разили сайра илгъуна пергер газета дурабулхъахъес багъандан халаси къайгъи даклубирни багъандан Дагъиста динна идарала бекл ва Дагъиста муфтий Гяхъмад-хіяжи Гябдуллаевличира. Иллини Дагъистайзиб паргъатдеш даимбирахънилизиди ва ил гъалабхл башахънилизиди халаси пай кабирхъули сай. Ил багъандан сай ил халкъли гѐвурцусира.

Аллагъличили аркъуси гъуйчиб алхунти лебталалра гъамтасра узиршилисра нунира чучи даклибти пашманти анцлукъуни багъадан пашмандеш багъахъес дигулра.

Газета бирантачи ва дурайдантаци дила ишгъуна тиладира леб. Дурхънас ва бегтас багъишлабарибси гямзиллизир дурхънала бегталара ургарти бархбасуначила ва илди къулайдиахъес дирути тяхъяркъяйдаличила имцали луклули дигахъира. Илдигъунти белклани нушанира нушала бегтанира халаси иштѐхъличил дучлули саби. Илдазибад халаси гяхъидешра кайсули саби. Адамтас адаб-хлѐяла шайчиб гяхъси бяркъ бедлугнила масъултачила «Ас-салам» газетаван имцали гъайбиклуси ва адамтас гяхъидезести белклани кадирхъуси цархилл газета лебли хлѐбиэс виклулра. Газета бучланти хлүшачи мурталра разили сарра. Нушани цалис цали икъала-кумек гѐрдиахъес чебиркур, илхлѐли дирехлѐ нушала рухъла дунья давлачеббихъес ва Аллагъла гъуйчирад гъаладхл дашес. Хлүшаб бузерилизир гъарбизуни дулгулра.

Иншааллагъ, хлүшани газета бучлантачилти бархбасуни гъатира уржахъниличили члүмали вирхулра.

Хлусуддин ГІЯШУРГІЯЛИЕВ



АЗАННИС ВА ИКЪАМАТЛИС ЖАВАБТИ

# Имам аш-ШафигИла мазгъаб хІясибли

544

«Ва адамагъа...» ибти дугъбас гѳргъи ируси саби: «...ма даматл ссамавату валь арзу» («Ишди дехибала ванзара закраван даимти детааб»).

«Ассалату джамигла» или аргъибхѳели, маслигъятбируси саби ишкъяйда жаваб лугагъахѳес: «Ла хІавла ва ла къуввата илла биллагъ».

Лерилра аргъибти азантас, хІятта у бирхъухѳели лехІилизи бурибси аргъибхѳели булан, жаваб бедлугагъахѳес маслигъятбируси саби. Амма Ромали виклули сай, дехибайчи жибируси азайс ахѳенси, цархІил азаннис жаваб лугес хІяжатдеш лебси ахѳен или. Илгъуна пикриличи къабуликибсири Ибн Къасимра.

Азаннис ва икъаматлис гѳргъи жииклусилира жаваб лугусилира Идбаглис салават белчІалли гІяхІси саби.

Сунна таманбарибсилези халбируси саби сегъуна-дигара журализиб салават бурниличиб, амма селичибалра къулайсилези халбируси саби «Салату Ибрагъим» («Кама ссалайта...»). Азаннис гѳргъи салават бучлуси саби: «Ассалату ва ссаламу гІялайка я Расулуплагъ». Миммарличибад бучлуси жилис гѳргъира салават белчѳес вирар: «Ассалату ва ссаламу гІялайка я Расулуплагъ. Ассалату ва ссаламу гІялайка ва гІяла Алика ва асхІабика аджмагин». Салаватлис гѳргъи маслигъятбируси саби ишгъуна балга барахѳес: «Аллагъумма рабба



Ас-Салам-фото

ва илкъяйдали хІилариубси хъунул адамлис.

Таваф бирули (КягІба алавбирули) къаршиикибсилесра азаннис жаваб бедлугагъахѳес маслигъятбируси саби. Жаваб бедлугагъахѳес маслигъятбируси ахѳен суннатла дехибала дирули къаршиикибсилес: сенклун илини авалра (хІаййя гІяла...) - лис яра «Садакъта барирта» алли, илала дехибала дулуту сари. Амма, дехибала дарили тамандиубли гѳргъи, халаси-деклар замана арбьякъи хѳебиалли азан белчІунхѳейчибад, жаваб бедахѳес маслигъятбируси саби.

Чи жумягІ бархІи азан бучлуси зама-

лукули сай: «Идбагличибад нушачи лебтачилра хъарбаркъ (амру) бакили саби, нушани дехибайчи жидируси муэдзинна дугъбас жаваб бедлугагъахѳес, хІядислизиб чебаахѳили къяйда. Ил багъандан, Шаригъят чебаахѳибси Идбагла хІурмат бирули, азаннис жаваб бедлугес чебиркур я пайда лебти гъайлизи яра бекІлил пайдагарти гъайлизи хѳедирхули. Сенклун гІибадатла сунес декларбарибси замана бируси саби: азаннис жаваб лугес ца замана леб, тасбихІлис—ца, Къуръан бучнилис—цархІил.

Масала: лагълис асухѳебирули къяйда «ФатихІяла» мерличиб истигъфар бучлѳес яра ил рукугІлизиб яра суждализиб (ванзала ва вайлиу бикайчи суждаби) бучлѳес асухѳебирули къяйда, ца секІал барес декларбарибси замана цархІилти баркъудлума дурадуркІнилис харжбирес асубируси ахѳен. Илгъуна мягІничебси хъарбаркъ таманбирниличи аварагарли гъамбирути бахъал къаршиибиркули саби гІилму дучІутала ургаб булан, гѳлаб калунтала ургаб биалли -- гъатира бахъал. ЦацабехІти гІилму руркънилизе бархибти, азаннис жаваб хѳебедили, жамигъятличил дарх дехибала хѳедарили, грамматикала, фикхла ва цархІилти жузачи бяхІличикабикили убкавлули саби.

Илбирнилис илдани сабабли бурули саби, гІилму селичиралра дурхъати сарни. Ишаб ишгъуна секІал аргъахѳес хІяжатбиркур. Сегъунтилла гІилму жамигъятличил дарх заманаличир дарибти дехибалаличир дурхъати ахѳен. Ил ашкарси саби Шаригъят бузахънила къадри балуси гъариллис. Дила насихІятчи ГІялиюн Хаввас «ХІаййя гІяла салат...» или аргъибхѳели, ружерлизи виркусири, Аллагъла ЧевяхІдешла гъалав урезилезивад вицІухѳеливан.

Ва илини азаннис жаваб бедлугусири таманси хузурлизив виубли (пикрумазив Аллагъличил виубли) ва таманни мутІигІли. ХІунира иличила багъи. ЧевяхІси Аллагъли хІу бархъси гъуйчи вяхІчааби!».

**МухІаммадариф РАМАЗАНОВ,  
МяхІякъяла шагъарлизибси  
Имам Шамилла уличилси  
мижитла имам**

СИЯХ

Гъар секІайчибад  
закат лебси саби,  
къаркъайчибадси  
закат— ил  
дубурцни саби,  
дубурцни— сабурла  
байхъала саби

СУАЛТИ ВА ЖАВАБТИ



– Азан бучлусилизи, Къуръайзивад учлусилизи, хутІба бирусилези салам бедлугес асубирусив?

– Азан бучлусилизи салам бедлугни лайикъси ахѳен (карагъат), амма салам бедили гѳргъи, ил адамлис саламлис жаваб бедес гІягІниси саби, амма жаваб азан белчи таманбиубхѳели чарбатесли гѳлайти арбухни къулайси саби.

Къуръайзивад учлусилизира салам лугагъахѳес маслигъятбируси ахѳен, амма салам бедили гѳргъи, илинира жаваб чарбатес гІягІниси саби.

ХутІбаличи лехІихъусилизира салам лугагъахѳес маслигъятбируси ахѳен (карагъат), амма чили- биалра салам бедили гѳргъи, лехІихъутизивад цали илис жаваб бедес чебиркур.



– Азанна замана Къуръан бучлѳес асубирусив?

– Азанна замана Къуръан бучлѳес асубируси саби, амма суннализи халбируси саби азан бучлѳси замана, илис жаваб бедес багъандан Къуръан бучни тІашаъни, зикр, гІилму дучІнира тІашиахѳес маслигъятбируси саби, азаннис гѳргъи балга барес багъандан.

Машгурси гІялим ас-Суютини буриб: «Азан бучлуси замана гъайкайклусилис урехи леб сунела вайси ахир бизс (цархІилван буралли, ил гІямрулизивад капурдешлизив арукъес). Исламла вузанала цацабехІ студентунани, мадрасабала бучІантани азаннис жаваб лугули хѳебирар, цацахѳели къалли чули Исламла гІилму делчѳес багъандан жамигъят дехибайчиб батес селизилра бирули ахѳен, лерилра гѳлар калунти секІайчир багъудлума мягІничерти сари ибси сабаб бургули, амма илдани бируси бархъси ахѳен.

Гъарил суннатлис сунела замана лебси саби—азаннис жаваб лугусира, гІилму руркъусира, Къуръайзивад учлусира. Дехибала дирусили «ФатихІяла» мерличиб истигъфар яра цархІил се-биалра белчѳес асухѳебируливан, яра икрам бирнила мерличиб зикр бучлѳес асухѳебируливан, азан бучлуси заманара цархІил се-биалра бирес асубируси ахѳен, азаннис жаваб бедни ахѳенси.



Лерилра аргъибти азантас, хІятта у бирхъухѳели лехІилизи бурибси аргъибхѳели булан, жаваб бедлугагъахѳес маслигъятбируси саби

гъазигъи дагІвати...» (ил гъанбуршуси саби яргаличилс бекІлизиб). Дигули ахъибтани имцІабарес бирар:

«Ва аскъина мин ядигъи шарифати шурбатан гъаниатан ла назмау багІдагъа абадан иннака гІяла кули шайин къадири» («ХІуни нуша илала (Идбагла жъ някъбазирад тІягІамла, бизити ва мурталралис милигдеш ихъахъути Кавсарли дужахъаба. ХІу се-дигара барес вируси сайри»).

## Къадри ва азаннис жаваб лугнила тяхІяр

**Тавафла замана хІямамлизиб яра хІяжатханализиб къаршиикибтани азаннис жаваб лугнила тяхІяр.**

ХІямамлизив къаршиикибсилесра маслигъятбируси саби азаннис жаваб бедлугагъахѳес. Жаваб бедлугес къулайси саби къаркъайчир нясдушунни (нажасуни) лерсилера, чІянкІли мухІли халхѳебарили. Илис биалли мухІли умубарили гѳргъи жаваб бедлугагъахѳес маслигъятбируси саби, азан белчІунхѳейчибад халаси-деклар замана арбьякъи хѳебиалли. Жаваб бедлугагъахѳес маслигъятбируси саби дазала агарсилесра, суненира хІямамлизир таманти дазала дарес (вазес) гІягІниси,

на мижитлизи айцІули къаршиикалра, имам хутІба бучлѳес вехІихѳили гѳргъи, маслигъятбируси саби гъаланачи тІашли азаннис жаваб бедахѳес, гІур биалли клел ракагІатла тахІият-дехибала (мижитлизи ухІнаухънила) дарахѳес. ХутІба аргъес багъандан, гъаланачи тахІият-дехибала дарес, гІур азаннис жаваб бедесра асубируси саби.

**Имамтани се бурули гІилму руркънилизе мурхъикибтани азаннис жаваб бедлугниличила?**

Азан таманбиайчи селра хѳебурахѳес маслигъятбируси саби, илис жавабла дугъби ахѳенси, хІятта гІилму руркънилизе мурхъикили, Къуръаннизивад учІули ва Аллагъ гъаниркахъули (зикр) къаршиикаллира. Лерилра секІал урдатурли азаннис жаваб бедес чебси саби, хІятта дарс бучІули къаршиикаллира, сенклун азаннис жаваб бедлугуси замана аркъули саби, цархІилван буралли, жаваб лугуси замана аркъули саби, дарс бируси замана биалли даимбиубли саби.

Жалалуддин Суютини бурусири, азанна замана гъайкайклусила гІямру капурдешлизир тамандиѳ асубирар. Аллагъли нуша илизирад мяхІкамдараба!

«Аль гІухудул МухІаммадият» бикІуси жузлизиб Аль-имам ШагІранили



## СУАЛТИ — ЖАВАБТИ

– Хиджаб бихули кахелунси ва ил мекълис глергъи бихуси рурсиличи хъайчикайэс асубирару?

– Шаригъят хъясибли хъаллабирухлели илгуна шартл лебси ахлен, цархилти шуртри тамандирули глергъи, хъайчикайэс асубируси саби, амма илини иргъахъуси ахлен хиджаб хлебихни багъандан иличиб бунагъ агни. Лерилра анцбукъуназир ил дяхъра някъбира ахленти лерилра бирканти кlapдарили ризэ глягниси сари.

– Базуртачир дирцути дабрумизирад имцатигъунти цурмала кубцразирад дарибти сари. Нуни хъясиббарира илдигъунти дабрумачил адамти мижитлизи булан абицули. Илдала къяшми майали далтули диалли, илди мижитла бухнала нясибрути бетарули саби. Илдигъунти дабри дихес асубирару?

– Ишбархли шаригъятли асубирахъуси журала кабцлизирад дарибти дабри даргес сегъуналра къяндеш агара. Сунела динна хлурмат бируси адам илдигъунти дабри чегъурли хлешар.

Гляимтани цацадехл анцбукъуназир кункдешуни дирули бирар, амма дебали глямалагарты анцбукъуназир. Ил багъандан хлу виклугъунти дабри дихес асухлебирар.

– Имамла гела кайзурли дехибала дарес асубирусив, эгер ил савлила дехибайчи льякъули хлейалли?

– Ге, асубируси саби.

– Машинала ухна кайили дехибала дирес асубирару?

– Къяшмачи тлашизес ва Кягбала шайчи кайзес вирус и бусурман адамли дехибала хлера илкъяйда тлашли дирути сари. Тлашли уз ахъри

агарсини дехибала кайилира дарес вирар. Ил баресра имкан агарсили кайхъира вирар дехибала дарес, шайчи кайхъи, ил баресра хлейралли, къакъличи кайхъира дарес вирар.

Суннатла дехибулти кайили яра шайчи кайхъи даресра асубируси саби.

– Рабита дирухлели, Идбагла сипат гъанбиркахъес глягнелив яра илала нуру?

– Рабита дирухлели маслигъатбируси саби Идбагла куц-бекл нурличил гъандиркахъес, илала вяхъла яра куц-бекла цархилти лишанти ахли.



Ас-Салам-фото

– Урусунала (бусурманты ахлентала) муръаличи вашес асубирусив?

– Бусурман адамлыс бусурман ахленти адамла муръаличи укъес асубируси саби, эгер вебклибси бусурман адамлыс тухум виалли яра уна, гъалмагъ виалли. Амма вебклибси беклилт янишли ахленти адам виалли, укъес асубируси ахлен.

– Къанни хъайчикайибси анцбукъулизиб бедлугуси сегъуна-биалра налог яра глякля лебсив?

– Сегъунти глямруличив хъайчикайаллира адамлы бедлугуси сегъуналра глякля лебси ахлен.

– Дазала детхлеуртази халдирутив, эгер ицути биркунтачиб шин чехледалтуси крем лебли биалли?

– Таманти ва таманни ахленти дазала дирнила шартл саби ицути биркунтачи шин чехлейгахъуси салра агни, шин ицуси камличи даили диэс глягнити сари. Ил багъандан, крем шин камличи диънилис диргалабулхъули биалли, дазала детхларар, гъарлимарти хледира.

## ТЕЛЕФОННИЗИРАД ЖАВАБТИ

Номерла суал:

Хлушазивад чи-биалра хъянчиличив яра учлуси мерличив рушбат сайснила мисалличи вяхъигбу? Хлушазив ил бунагъ бируси тлашаэс виубси леву? Секъяйда диргаладухъес диубра ил бирусилис?

Ну ДГУ-ла журналистикала отделениела 4-ибил курлизив учлурла. Учлуги дусмала бухнаб ца гъачамалра ца къурушалра рушбатлис хлебедира, цалра преподавательли сегъуна-биалра суал гъунчибушесли набзибад рушбат тлалаббарисси анцбукъ хлебиуб. Рушбат лугули саби бучлес бажардихлебиркутани. Учлусилис лайикъси къимат кахлебатурси анцбукъуличира ну вяхълегира.

8-988...42

Сецад хлейгеси биаллира, рушбат лугес чевкъули саби милиционертас, ПДД-ла шайчирти тяхъяр-къяйда дулъни багъандан.

8-963...79

Ряхъягира, ручлес колледжлизи карурхулели. Клеп имтихъан дедира, амма дила хъянчурби ахтардилра хледарили урдухъун, сенкун нуни ручлес карурхулели рушбатлис арц хледедирану. Кинайс нуни «авла» касили руили уббухъун, амма ну арц дедес илхелера къабулхлерикира ва дила хъянчи ну хлерикилахъули ахтардибарахъес тлалаббарира. Хлушала мурадуну датахъес къасбиреная, Аллагъ хлушаб икъалаирар.

8 928... 81

Дебали децигули саби, лебилрара-сера хлерибурути бусурманты сабси Дагъистайзиб рушбатуну кайсни гъар бархли къаршибиркуси гъадатла баркъудили бетаурли чебиухлели. Селра ахленти справка белклес багъандан рушбат тлалаббарули саби, рушбат чузи бикайчи ил лугули ахлен. Больницализибалра рушбат чула някълизи баайчи операция бирули ахлен. Наб бунагъ биули биъни балула, амма рушбат бухайчи селра гъунчибушес рирули ахленра. Балурар, Аллагъла гъалар ил багъандан жавабкардеш дихес чевкъуличилира. Се бариша?

8 963...86

Рушбатуну кайсничиблициун яшав бирути дебали бахъал леб. Илдас бузес дигули ахлен—гъяваси мер бикахъили, урхъла къяян букули, хлерикибурули саби, сегъунтилра уреси-урехи агарли!

8 963...84

Чумилра мерличив, дигалли роддомлизир, дигалли больницализир, дурхнала анхълизир, школализир, хъянчиличи карурхулели булан. Рушбатчидешлис ахир баклесара?

8 988...81



Ас-Салам-фото

Школализирра рушбатуну сайсули сари, гъяхти къиматуни кадатесли. Ил бунагъличи къаршили чилра дуравхъес вирули ахлен, сенкун директор булан рушбатчи учитель гевурцан сайли увулхъули сай.

8 988...77

Ишбархи чинабъахл ганз кацадра рушбатчидешличи вяхъигулри. Адамти сабира гъяйибла бегти саби илгуна агиличи баришкабиъни багъандан. Вегила ихтиюрти вегили хледалтахъалли, глур чини сари илди далтахъути?

8 988...14

Чуйнара. Гъядатли бетарули саби: учлес дигулрив—кисала хъар абхъа, узес дигулрив—кадихъа. Нушала хъякимтани яшав бируси дахъал анцбукъуназиб рушбатуначиблициун саби. Жавабкардеш дихес чебиркнилизибад илдала сегъуналра урехи агара, сенкун цали ца глебурцули саби.

8 963...57

Рушбатчиби агарси мер лебу гъанна?! Медучилищелизир Буйнакъсклизир ручлули калунра. Преподавательти гъарил экзаменнис ишдицад дихая бикли. Чина аркъулра нуша? Багъудлумас ахли, арцлис биалли къимат кабалтуси?

8 928... 73

Ну ДГПУ-лизир ручлула. Гъаман диха биклар. Лугулра, глур се бариша? Жагъил преподавательтани чула предметуни булан далули хлебирар. Чини буцибтил илди бузахъес? Хлелугес ахъри агара, сенкун селра кабизахъес вирули ахлен.

8 928...35

Рушбат агарли я учлес керхес хлейруд, багъуди касили глергъи я хъянчиличи керхес хлейруд. Дагъистайзиб рушбат бунагъ ахленну—дахъал арц сари.

8 928...68

Нушала замана рушбат савгъатлира садакъалира бетаурли саби.

8 928...08

## Рузнама

## МАЙ

ДНИ	Утрений Ас-Субхл.	ВОСХ.	Обеден. Аз-Зугър	После-обеден. Аль-гласр	Вечерн. Аль-Магъриб	Ночной Аль-гъишаъ
1	3.47	5.40	13.00	16.39	19.52	21.31
2	3.45	5.39	13.00	16.40	19.53	21.32
4	3.43	5.36	13.00	16.41	19.55	21.35
6	3.40	5.34	13.00	16.41	19.57	21.38
8	3.35	5.30	13.00	16.42	19.58	21.41
10	3.31	5.27	13.00	16.42	20.01	21.44
12	3.27	5.27	13.00	16.43	20.04	21.47
14	3.24	5.25	13.00	16.43	20.06	21.50
16	3.20	5.23	13.00	16.44	20.08	21.53
18	3.16	5.21	13.00	16.45	20.10	21.57
20	3.12	5.19	13.00	16.45	20.12	22.00
22	3.10	5.17	13.00	16.46	20.15	22.05
24	3.08	5.16	13.00	16.47	20.16	22.08
26	3.05	5.14	13.00	16.47	20.18	22.11
28	3.01	5.12	13.00	16.47	20.20	22.13
30	2.59	5.12	13.00	16.48	20.21	22.16

**Учредитель**  
Благотворительный фонд «Путь».  
Газета печатается по согласованию и одобрению Духовного управления мусульман Дагестана

**Редакционный совет**  
Председатель редакционного совета муфтий РД  
Ахмад-хаджи АБДУЛАЕВ

заместитель муфтия РД  
Мухаммад ДАВУДОВ

**Редактор**  
Патимат ВАГИДОВА  
**Канонический редактор**  
Гарун ДЖАГУМОВ

**Верстка**  
Асият ХАНОВА  
Ахмед МАГОМЕДОВ

**Набор**  
Тавсултан САИДОВ

**Менеджер**  
Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации  
П/И № ФС 10-6401 от 15 декабря 2006 г.

Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам».

Отпечатано в ООО «Дом печати» по адресу: пр-т Акушинского, 20.

Заказ № \_\_\_\_\_

Сдано в печать 20 апреля 2009 г.

Тираж 3700 экз.

**Адрес редакции**

367015, РД, г. Махачкала,  
ул. М. Ярагского, 128.  
Тел.: (8722) 61-00-64.

По вопросам подписки и доставки обращаться по телефонам:  
по Республике Дагестан — 8-988-699-28-24  
по г. Махачкале — (8722) 914-222.

E-mail: info@assalam.ru;  
www.assalam.ru